



REPUBLIKA E SHQIPËRISË
BASHKIA SHKODËR

Drejtoria e Planifikimit Strategjik dhe Përmirësimit të Klimës së Biznesit

Nr. _____ Prot

Shkodër, më ____ . ____ . 2021

Znj. _____

E nderuar,

Në përgjigje të kërkesës tuaj, datë 12.05.2021, marrë me datë 14.05.2021 nga Bashkia Shkodër me nr. prot 7494 Ju bëjmë me dije sa më poshtë:

A janë projektuar brenda buxhetit 2021 rikonstruksione nga monumentet e kategorisë së parë dhe të dytë (nqs po, cilat) ?

Në buxhetin e Bashkisë Shkodër për vitin 2021 janë parashikuar fonde për mirëmbajtje e rrjetit muzeal, të cilat administrohen nga Bashkia Shkodër. Për detaje mund të konsultoheni online në ëeb-in zyrtar të Bashkisë Shkodër www.bashkiashkoder.gov.al në sesionin <https://buxheti.info/shkoder/> ku do të gjeni çdo të dhënë për zërat e shpenzimeve në të gjithë sektorët.

Rrjeti muzeal nën varësi të Bashkisë Shkodër përfshin institucionet e mëposhtme:

1. Banesa "Oso Kuka"
2. Muzeu i Kështjellës
3. Vendi i Dëshmisë dhe Kujtesës

prej të cilëve, vetëm Banesa "Oso Kuka" gëzon statusin e muzeut të kategorisë A në vetëm 2 dhoma të tij, konkretisht a) një dhomë me tavan me kënde të gdhendura; b) një dhomë tjetër me tavan me kënde të gdhendura, të cilat janë objekt i ligjit për trashëgiminë kulturore dhe ku Bashkia Shkodër nuk mund të ndërhyjë pa lejen e Monumenteve të Kulturës.

Për sa i përket rikonstruksioneve të monumenteve të kategorisë së parë apo të dytë sipas ligjeve në fuqi (ligji 27/2018 , nenit 31, “Për trashëgiminë Kulturore dhe Muzetë”) DRTK (Drejtoria Rajonale të Trashëgimisë Kulturore) i kanë këto përgjegjësi.

Nga kush financohen dhe sa lekë kushtojnë ?

Në kuadër të financimit për objektet e trashëgimisë kulturore në varësi të Bashkisë Shkodër, Ju bëjmë me dije që çdo mirëmbajtje e tyre, realizohet me fondet e Bashkisë Shkodër, për referencë Buxheti i Bashkisë Shkodër http://www.bashkiashkoder.gov.al/web/08220_3529.pdf .

Bashkia Shkodër ka bashkëfinancuar bashkë me Shoqatën e të persekutuarve politikë dhe donatorë të ndryshëm memorialin përkujtimor për persekucionin komunist në Shkodër.

Bashkia Shkodër në bashkëpunim me Komisionin “Drejtësi dhe Paqe”, mbështetur nga organizatat gjermane RENOVABIS dhe Maksimilian Kolbe, ka realizuar konkursin për realizimin e kësaj veprë që përkujtonte persekucionin komunist. Projekti fitues u shpall vepra e paraqitur nga skulptorët Hashim Kruja dhe Petrit Kruja.

Me 21 Maj 2019, u bë inagurimi i këtij kompleksi memorial për persekucionin komunist në Shkodër.

A ka pasur mbështetje nga qeveria ?

Bazuar në informacionin që disponon Bashkia Shkodër nuk ka patur investime në këtë drejtim.

Çfarë është bërë në kuadër të 100 fshatrave turistik ?

Programi i 100 fshatrave turistik është një program i iniciuar nga Qeveria Shqiptare në nëntor të vitit 2017 përmes thirrjes së bashkive për të aplikuar sipas kriterëve dhe metodologjisë së përcaktuar.

Qëllimi i këtij programi të Integruar për Zhvillimin Rural, synon të koordinojë ndërhyrjet zhvillimore në hapësirën rurale të 100 fshatrave, sipas qasjes ndërsektoriale dhe me shumë aktorë, duke u shkëputur nga ndërhyrjet e copëzuara dhe me qasje strikte sektoriale, që po ndodhin apo pritet të ndodhin në vend.

Nga kjo qasje zhvillimi, synohet që në përfundim të programit të kemi një transformim të ekonomisë rurale me rezultate të matshme dhe një impakt të lartë zhvillimor për 100 fshatrat e përzgjedhura si pjesë e programit.

“Programi i Integruar për Zhvillimin Rural –Programi i 100 fshatrave”, do të zbatohet në periudhën 2018-2020.

Programi i 100 fshatrave do të financohet nga buxhetet e ministrive pjesëmarrëse në program si dhe agjencive të tjera publike si Agjencitë e Zhvillimit Rajonal 1,2,3 dhe 4, Agjencia për Zhvillimin Ekonomik Rajonal, Agjencia Kombëtare e Turizmit, FSHZH, MADA, etj.).

Për administrimin e Programit të Integruar për Zhvillimin Rural (PIZHR)-Programi i 100 fshatrave është krijuar “Komisioni Ndërmintor për Programin e 100 fshatrave” me përbërje të Ministrit të Bujqësisë dhe Zhvillimit Rural, Ministrit të Turizmit dhe Mjedisit, Ministrit të Infrastrukturës dhe Energjisë si dhe Ministrit të Kulturës.

Në detajimin e fondeve për investime, të alokuara në buxhetet respektive të ministrive apo instituconeve të tyre të varësisë, ministrinë pjesëmarrëse në program do synojnë ti japin përparësi projekteve të identifikuar dhe që zbatohen në zonën e përcaktuar të 100 fshatrave.

Bashkia Shkodër, pasi u njoh me thirrjen , pas konsultimeve me grupet e interesit, specialistë të fushave të zhvillimit urban e social ekonomik percaktoi që të aplikohet në këtë program kaq ambicioz me tre fshatra të Bashkisë që përbëjnë potencial zhvillimor më të lartë: Drisht , Theth , Zogaj. Duke marrë parasysh nevojat për ndërhyrje në infrastrukturë, shërbime por edhe përmirësim të aseteve monumentale, kulturore që përbëjnë elementet karakteristik të këtyre fshatarave, bashkia Shkodër iu përgjigj kesaj thirrjeje duke qenë po ashtu ambicioze në rikualifikimin total që këto zona kanë nevojë.

Në vijim po paraqesim paketat e fich projekteve respektive për të tre fshatrat të aplikuar nga Bashkia Shkodër si vijon :

Lista e fich projekteve të Fshatit **Drisht**, Nj. Administrative **Postribë**

Nr	Emertimi i fich projekteve	Vlera ne lekë
1	Rehabilitimi i segmentit të rrugës Ura e Mesit - Kalaja e Drishtit	205 000 000
2	Rikualifikimi i kalasë së Drishtit, përmes ndërhyrjeve të vogla në muret rrethuese të kalasë dhe rehabilitimit të fasadave të shtëpive të banimit në kala	15 000 000
3	Restaurimi dhe rikualifikimi urban i territorit në qendrën e fshatit dhe kalanë e Drishtit	38 000 000
4	Vënia në funksion e muzeut në kalanë e Drishtit.	6 000 000
5	Rikualifikimi i shkollës 9 vjeçare Drisht	6 500 000
6	Rehabilitimi i qendrës shëndetësore Drisht	2 500 000
7	Ndërtimi i Nyjes Bujqësore në Drisht	25 000 000

8	Tregu Rajonal BIO në Drisht	20 000 000
9	Promovimi i shërbimeve të turizmit rural në fshatin Drisht	5 000 000
10	Mbështetje të sipërmarrjeve “ start up” me fokus të rinjtë	500 000
	Totali	139 000 000

Lista e fich projekteve të Fshatit **Theth**, Nj. Administrative **Shalë**

Nr	Emertimi i fich projektit	Vlera ne lekë
1	Rikonstrukcion i rrugës Prekal- Ndërllysë- Theth	1,304,198,000
2	Rikualifikimi urban i territorit të qendrës së fshatit Theth	123,272,688
3	Rehabilitim i urave ekzistuese në fshatin Theth.	14,382,890
4	Rehabilitimi i shkollës 9 vjeçare Theth dhe krijimi i një qendre multidisiplinare	6,200,000
5	Rehabilitimi i qendrës shëndetësore Theth	4,048,000
6	Ndërtim i rrjetit të kanalizimeve të ujrave të zeza dhe ITUP në luginën e Thethit	418,500,000
7	Përmirësimi dhe rehabilitimi i rrjetit të furnizimit me ujë të pijshëm	6,000,000
8	Rehabilitimi i rrjetit të furnizimit me energji elektrike	277,155,000
9	Rehabilitimi i kullave tradicionale	21,600,000
10	Rehabilitimi i mullinjëve tradicionale	14,400,000
11	Fuqizimi i shërbimeve të zyrës së informacionit turistik	800,000
12	Ndërtimi i qendrës së grumbullimit dhe përpunimit të produkteve autoktone vendase	20,000,000
13	Përmirësimi i shërbimeve ndaj qytetarëve përmes ngritjes së zyrës me një ndalesë në Theth.	10,000,000
14	Përmirësimi i manaxhimit të mbetjeve urbane	7,000,000
15	Ndërtimi i dy stacioneve multimodale të transportit në Theth dhe në Ndërllysë.	16,000,000
16	Ndërtimi i fortifikimeve përgjatë bregut të lumit dhe pyllëzim me qëllim parandalimin e efekteve të erozionit	41,055,000
17	Përmirësimi dhe pajisja me sinjalistikën e posaçme të shtigjeve për këmbësorë	5,000,000
18	Promovimi i shërbimeve të turizmit rural në fshatin Theth	4,000,000

19	Restaurimi i banesës së Lulash Kecit (Muzeu etnografik i Dukagjinit) dhe vënia në funksion i këtij muzeu për vizitorët.	7,000,000
20	Krijimi i qendrës së artizanatit në Theth	5,000,000
	Totali	2,305,611,578

Lista e fich projekteve të Fshatit **Zogaj**, Bashkia Shkodër

Nr	Emertimi i fich projekteve	Vlera ne lekë
1	Rehabilitim i aksit rrugor Shirokë - Zogaj - kufi	550,000,000
2	Rehabilitim i shesheve urbane të fshatit Zogaj dhe sistemimi i rrugëve dhe shkallarëve karakteristike të fshatit, gjelbërim i peizazhit urban të zonës dhe ruajtjen e arkitekturës tradicionale.	21,700,000
3	Rikualifikim i plazheve dhe infrastrukturës për zhvillimin e sporteve ujore	25,000,000
4	Rikualifikim i ballinave ujore Shirokë - Zogaj	10,000,000
5	Rehabilitimi dhe ripyllëzimi i sipërfaqeve të degraduara dhe të djegura të fshatit Zogaj.	22,500,000
6	Rehabilitim i Shkolles Zogaj	10,000,000
7	Rehabilitimi i qendrës shëndetësore Zogaj	5,600,000
8	Rritje dhe fuqizim i sektorit të peshkimit në fshatin Zogaj	31,620 ,000
9	Ngritja e një qendre për punimet artizanale të zonës	10,000,000
10	Krijimi i incentivave për diversifikimin e aktiviteteve ekonomike të zonës, si peshkimi, bimët medicinale, blektoria, punimet artizanale dhe sektori i turizmit	10,000,000
11	Trajnime me të rinjtë dhe gratë sipërmarrëse që operojnë në fushën e biznesit.	1,000,000
	Totali	698,120,000

Sipas Vendimit nr. 21, datë 12.1.2018 “Për disa shtesa në vendimin nr. 709, atë 29.10.2014, të këshillit të ministrave, “për miratimin e strategjisë ndërsektoriale për zhvillimin rural dhe bujqësor 2014 – 2020”, Bashkia Shkodër u shpall fituese për përfshirjen në këtë program të tre fshatrave përkatesisht: Theth, Drisht dhe Zogaj. Megjithëse këto fshatra u futën në programin e 100 fshatrave ecuria e investimeve të realizuara nga Qeveria në kuadër të këtij programi ka qenë shumë e ulët për të mos thënë inekzistente. Afati për realizimin ose minimalisht fillimin e projektimit të këtyre ndërhyrjeve ka qenë 2018 – 2021, ndërkohë në territor përveç investimit të Fondit Shqiptar të Zhvillimit në rrugën Drisht – Kala e Drishtit, nuk ka pasur ndërhyrje të tjera të cilat do të

plotësonin kërkesat e paraqitura nga Bashkia Shkodër për rikualifikimin dhe zhvillimin e 3 fshatrave në kuadër të këtij programi, i cili po përmbyllet dhe për Bashkinë Shkodër mbeti vetëm në stadin e deklarimeve.

Me respekt,

KRYETAR

VOLTANA ADEMI